

Память священномучеников  
Кирилла Казанского  
и Иосифа Петроградского

7 / 20 ноября



Тропарь священномученику Кириллу:

Святителю преславный, иерарше кротчайший, исповедниче мужественнейший, Кирилле, похвало Казанская, скорби, раны и изгнания претерпевый, защищая Церковь от лжепастырей-волков, иже со безбожники совет сотвориша, ныне молися о нас грешных, да пребудем верными Христу во веки.

Тропарь священномученику Иосифу:

Исповедниче веры пламенный, светильниче горяй и светяй, отступников и лукавнующих обличителю, верных наказателю, тайныя Церкви начальниче, Иосифе, ангеле Петроградский, молися Христу Богу, да утвердит нас в вере православней и Царствия вечнаго сподобит.

Богородичен:

Еже от века утаенное, и Ангелом несведомое таинство, Тобою, Богородице, сущим на земли явися Бог, в неслитном соединении воплощаемь, и Крест волею нас ради восприим, Имже воскресив первозданнаго, спасе от смерти души наша.

## Песнь I

Канон Богородицы Одигитрии:

**Ирмос:** *Отверзу уста моя, и наполнятся духа, и слово отрыгну царице матери, и явлюся светло торжествуя, и воспою радуясь тоя чудеса.*

Радостно, чистая, ныне наставшее хваление приношаю радуясь, и тихим гласом, Одигитрие, вопию ти: радуйся, и исполни мя разума пети начинающа.

Христа родившая, радость нам вечную, о радуйся, всепетая, православных надеждо, Одигитрие всепетая девице: радости исполни мя мирови желанныя.

Ликуют вси человецы, и ангели всегда согласнo вопиюще на небеси и на земли, Одигитрие: радуйся, девице, радости бо рождеством твоим всяческая исполнила еси.

Радость Одигитрие, со страхом ти вопиющих радости сподоби, Мати сущия радости, избавляющи скорбей всяческих, и всех помилуй к тебе прибегающих.

Канон Кирилла:

**Ирмос:** *Крест начертáв, Моисéй впрýмо жезлом Чермное пресечѣ, Изрáилю пешеходящу; то-*

*же обратнo фараоновым колесницам, ударив, со-  
вокупѣ, вопреки написав<sup>2</sup> непобедимое оружье.  
Тем<sup>3</sup> Христу поим, Богу нашему, яко прославися.*

<sup>2</sup>изобразив

<sup>3</sup>потому

Священномучениче Кирилле прехвальны-  
й, измлада Господеви поработал еси, и от  
Него мученическим венцем венчался еси,  
яко иерарх премудрый.

Слова ипостаснаго служитель был еси, у  
престола Божия предстоя благоговейно:  
егда же Промыслитель и сердцеводец отъ-  
ят от тебе супругу и чадо, тогда ангельский  
образ восприял еси, и всего себе Богови воз-  
ложил еси, тому послужив верно чрез все  
житие твое.

Благодать епископства восприял еси и доб-  
родетельным житием просиял еси, сего  
ради и пастырь святыи Кронштадтский  
Иоанн завеща ти отпевание над ним совер-  
шити.

*Богородичен:* Преславная возглаголашася от  
Тебе в родех родов, Бога Слова во чреве  
вмещая, Чиста же пребывши Богородице  
Марие. Темже Тя вси почитаем, сущее по  
Бозе заступление наше.

## Канон Иосифа:

**Ирмос:** *Помощник и Покровитель бысть мне во спасение, Сей мой Бог, и прослаблю Его, Бог отца моего, и вознесу Его, славно бо прославися.*

Отче Иосифе, Богом на служение священное избранный и сие кончиною мученическою запечатлевый, ныне да сплетется от нас тебе венец похвалы.

Егда монашеское пострижение приял еси, в напутствие услышал еси сие: ныне егда имя Божие хулится, молчание студно есть: сего ради да не будеши обуморенен<sup>4</sup>, но работай Господеви духом горяще. Сей завет, отче, до конца жития твоего сохранил еси.

Хитросплетенная словеса отступников возненавидел еси, безбожников и лжебратий, и ревностию поревновал еси о чистоте риз церковных, темже и нас грешных в Церкви истинней присно соблюди.

**Богородичен:** Бога родила еси единого без тли, и Дева пребыла еси по рождестве, якоже бе и прежде рождества Пречистая: сего ради, вернии, радуйся, Тебе зовем.

**Катавасия:** *Отвѣрзу уста́ моя, и напѣлнятся Дѹха, и слѣво отрѣгну Царѣце Матери, и явлѹся, свѣтло торжествѹя, и воспѹю, радѹяся, То́я чудеса́.*

## Песнь 3

### Канон Богородицы:

*Твоя песнословица, Богородице, живый и независтный источник, лик себе совокупльшья духовно утверди, в божественней твоей славе венцев славы сподоби.*

Христа вышняго царя, о радуйся, непоколебимая чистая, и одушевленная палато. Радуйся, Одигитрие, радуйся, тобою нерушимь град наш сохраняется.

Вместити егоже не возможе тварь, во утробу неискусобрачную, Одигитрие девице, телесно вместила еси: темже ти радуйся поем, по долгу величающе.

Радость многопетая мирови, радостно ти поюще присно, вечнующия чистая радости сподобляемся, твоими матерними молитвами, к рождшемуся из тебе, Одигитрие.

Златую тя стамну, и свещник, и жезл, и трапезу, чистая, призываем, Одигитрие, и глас еже радуйся, тебе присно привношаем, с сими же имены.

## Канон Кирилла:

<sup>5</sup>как образ  
таинства

**Ирмос:** *Жезл во образ тайный приемлется, прозябением бо предразсуждает<sup>6</sup> священника; неплодящей же прежде Церкви, ныне процветет Древо Креста, в державу и утверждение.*

<sup>6</sup>указывает  
на

В Петра граде и Гдове, Тамбове и Казани вернии познаша тя, святителю Кирилле, яко пастыря добраго, благотворца и сиропитателя, и молитвенника тепла.

Ревность твою по Бозе и нелицеприятие верны, отче священне, яко лица сильного не обинулся<sup>7</sup> еси, заповеди Божии исполнититщался еси: сего ради Господь тя избра и прослави.

<sup>7</sup>испугался

Егда святыи собор во граде Москве собрися, был еси тамо яко един от светильников Церкви Российския и святаго патриарха Тихона помощник верен.

**Богородичен:** Спаси ны, чистая Владычице, рождшая паче естества Избавителя всех, и Владыку, и Спаса и Господа.

## Канон Иосифа:

**Ирмос:** *Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.*

Веру твою пламенну, смирение и терпение поминающе, отче Иосифе, молим тя и нам окаянным подати молитвами твоими добродетелей исправление и соблазнов избавление.

От юности крест свой взем, невозвратно Христу последовал еси, сан святительский достойно восприял еси, овцы Христовы добре упасл еси, и от Пастыреначальника венец приял еси, яко иерарх и страстотерпец.

Пребыл еси верным Христове Церкви даже до конца, святе Иосифе, лжи лукавующих не потерпев и от отступников отступив, риз твоих священных беззаконием не запятный.

*Богородицен:* Огнем страха Божия очистивши мя, Отроковице, от прегрешений и скверны, облецы светозарною одеждею добродетелей, и ликом святых сочетай.

**Катавасия:** *Тво́я песносло́вцы, Богоро́дице, Жи́вый и Незави́стный Исто́чнице, лик себѣ совоку́пльшия, духо́вно утверди́, в Божѣственней Твоѣй сла́ве венце́в сла́вы сподо́би.*

## Кондак Иосифа:

Священномучениче славный Иосифе, Богом избранный и прославленный, пастырю наш и наставниче, Церкви тайныя начальниче, и молитвенниче преизрядный, моли Христа Бога, да помилует и спасет души наша.

## Икос:

Радуйся, священниче Божий, облекуйся правдою: радуйся, преподобне, радостию вечною возрадовавыйся: радуйся, святителю досточестный, облеченный Богом во спасение: радуйся, препетый мучениче, Церкви Христовы украшение: радуйся, веры правило, наставляяй ны на стези правыя: радуйся, святе Иосифе.

## Седален священномучеников:

Се что добро или что красно, но еже жити братии вкупе: темже и святителей двоица, Кирилл и Иосиф присноблаженная, за правду Божию подвизастася, и вкупе течение подвига скончаста: ныне о нас явистася ходатая, еюже молитве яко миро изливанное и яко кадило благовонное пред Господа восходит.

## *Слава, и ныне:* Богородичен:

Пречистая Богородице, яже на небесех благословенная, и на земли славословимая: радуйся Невесто неневестная.

## Песнь 4

### Канон Богородицы:

*Седяй в славе на престоле божества, во облаце лежце, прииде Иисус пребожественный, нетленною дланию, и спасе зовущыя: слава, Христе, силе Твоей.*

Радуйся, чудо чудес, Одигитрие Владычице, радуйся, всех радости, городов и весей непобедимое христианское в бедах хранилище, и преградие, и на враги побеждение.

Радуйся, радуйся, царей православных похвао, и христоролюбивых воинств покров пребываеши всех царице. Радуйся, Одигитрие, прибежище всех нас и утверждение.

Радуйся, всех скорое в бедах избавление. Радуйся, готовое всех скорбящих утешение. Радуйся, всепетая. Радуйся, Одигитрие всеблагословенная, всех немощных исцелительнице.

Радуйся, еяже величия вся тварь славити  
убо спешит по достоянию, но не возмощает,  
Одигитрие, и сего ради зовет ти: Радуйся,  
Владычице, боговместимое жилище.

### Канон Кирилла:

<sup>8</sup>я услышал  
<sup>9</sup>промысла

**Ирмос:** *Услышах<sup>8</sup>, Господи, смотрения<sup>9</sup> Твоего  
таинство, разумех дела Твоя и прославих Твое Бо-  
жество.*

Лествицею божественною добродетелей,  
возшел еси на высоту, святителю, пред ли-  
цем людския славы смирение показуя, в на-  
пастех же терпение велие, выну Господеви  
вопия: силе Твоей слава, Человеколюбче.

Управив богоразумно ум твой, святе, запо-  
ведьми Христовыми, достоин явился еси,  
и веры поборник непобедимый: темже и  
един от триех избранных на местоблюде-  
ние престола патриаршего был еси.

Егда буря над державою российскойю и над  
Церковью возшуме, и богоборцы начаша  
люте гнати вся христианы, тогда от веры  
Христовы не отрекся еси, отче Кирилле:  
сего ради претерпел еси гонения и напасти,  
и венча тя Христос Бог венцы тресветлы-  
ми.

*Богородицен:* Равнодейственно родителю слово, из боку Твоею воплотила еси Дево, темже явилася еси превыши всех тварей Владычице.

### Канон Иосифа:

**Ирмос:** *Христос моя сила, Бог и Господь, честная Церковь боголепно поет, взывающи от смысла чиста, о Господе празднующи.*

Духу и благу святых Церкви противная деяния твердо осудил еси, святителю Иосифе, рекши: указы незаконныя ни во чтоже вменяем, да приемлет я отныне токмо хартия бездушная: души же живыя чад Церкви Христовы да отвращаются сего.

Аще и вси пастырие оставят нас, вопиял еси отче, да не оставит нас небесный Пастырь, по неложному обетованию Своему: се аз с вами есмь до скончания века.

Церкви святей соборней и апостольстей послушен пребыл еси, повеления преслушников ея преслушав: сего ради Церковь верных тя ныне ублажает.

*Богородицен:* Слово, Пречистая, в Тя вселися, безсловесия страстей мир избавляя Владычице, и Царствия Небесного сподобляя воспевающая Тя.

**Катавасия:** *Седяй в Славе на Престоле Божества во облаце легце, прииди Исус Пребожественный, Нетленною Дланию и спасе зовущия: слава, Христэ, силе Твоей.*

## Песнь 5

Канон Богородицы:

*Ужасошася всяческая о божественней славе твоей: ты бо, неискусобрачная дево, имела еси во утробе над всеми Бога, и родила еси безлетнаго Сына, всем воспевающим тя, мир подавающая.*

Благостыни бездно и щедрот еси, радуйся, Одигитрие девице. Радуйся, всем радость творящи верным. О радуйся сущих в бедах, и скорбящих пребыстрая заступнице.

Радости от исполнения, величия чудес твоих зряще, исполняемся вси не зрящи, слышаще же вернии. Темже радуйся тебе присно всюду, и вси, Одигитрие, поем.

Христа Бога нашего, о радуйся, Одигитрие, жилище и дом, неизреченныя и пребожественныя дево, славы его. О радуйся, палато преукрашенная. Радуйся, граде одушевленный присно царствующий.

Радость неоскудную ты разсмотришь, яко море, отроковице, Одигитрие девице, радуешься вси, радуйся вопием ти, и поюще божественных даров невидимо присно от тебе ожидающе.

### Канон Кирилла:

**Ирмос:** *О треблаженное<sup>10</sup> Древо, на немже распяся Христос, Царь и Господь, Имже паде<sup>11</sup> древом прельстивый<sup>12</sup>, тобою прельстився, Богу пригвоздившуся Плотию, подающему мир душам нашим.*

<sup>10</sup> трижды  
блаженное  
<sup>11</sup> из-за кото-  
рого пал

<sup>12</sup> тот, кто  
прельстил

Егда судии зверонравнии отлучиша ты от паствы твоея, святе Кирилле, тогда терпение и мужество показал еси, и утешение души своея в божественных писаниих находил еси: научи убо и нас грешных словеса Божия разумети и по ним стопы наша направляти.

Егда безбожник совет постыден предложи ти, глаголя: будеши первосвятитель Церкви Российския, аще согласишися повеления наша исполняти: ты, святе Кирилле, тому дерзновенно отвещал еси: неси оруженник<sup>13</sup>, и несмы аз оружие, имже<sup>14</sup> хочещи Церковь русскую разорити.

<sup>13</sup> ты не  
владелец  
оружия  
<sup>14</sup> я не ору-  
жие, кото-  
рым

Аще и пребыл еси непреклонен под ярмо с неверными, но обретоша антихристы себе служителя верна, Сергия волконравнаго. ты же от лжебрата сего отбегл еси и грех его противу Церкви святыя яве пред лице его представил еси, он же обличени-й не терпя, на тя отче праведне, прещения налагает.

*Богородичен:* Вод животочных исполнена сущи Отроковице, всех нас напой, благочестномудренне поющия Тя.

Канон Иосифа:

**Ирмос:** *Божиим светом Твоим, Блаже, утренюющих Ти души любовью озари, молюся, Тя ведети, Слове Божий, истиннаго Бога, от мрака греховнаго взывающа.*

<sup>15</sup>ее Не спасает беззаконник Церковь, но на поругание безбожников отдаде ю<sup>15</sup>, вопиял еси отче Иосифе: сия ли стерплю; обаче яко поставленный пасти стадо Христово, должен есмь овцы словесныя от волков защищати.

Сие есть свидетельство совести нашея, тако рекоша ученицы твои святителю, не можем пребыти в общении с Сергием и клеветы его, внесшими надмение мира в Церковь Христову. 16

Не восхотел еси у безбожников просити милости, ниже совет творити с ними: сего ради лжеепископы поскрежеташа на тя зубы своими, богоборцы же мерзости гонения на тя воздвигоша: и претерпел еси раны и скорби, скитания, и глад, и наготу, со свиниями житие в прогнании имел еси: вся сия кротко приял еси и в Чертог небесный вшел еси радуясь.

*Богородичен:* Божественный Дух святой вселься Пресвятая Чистая, в Твое чрево, осенив Тя показа дом Троицы, благоволением Отчим Слово заченши, и Сего рождши.

**Катавасия:** *Ужасóшася всяческая о Божественней славе Твоёй: Ты бо, Неискусобрачная Дёво, имела еси во утробе над всеми Бóга и родила еси Безлётнаго Сына, всем воспевающим Тя мир подавающая.*

## Песнь 6

Канон Богородицы:

*Божественное сие и всечестное совершающе празднество богомудрии, Богоматере, приидте, руками восплецим, от нея рождшагося Бога славим.*

Христа чистая приемлющи, глас еже радуйся, Одигитрие девице, слышала еси, егоже неизреченно рождши, радуйся, от всех слышиши всегда.

Радости всея исполнила еси, вышняя и нижняя ты совокупила еси, Одигитрие. Темже радостно и согласно ныне, небо и вся земля зовет ти.

Вдов, о радуйся, всепетая, и всех сирых, Одигитрие, утешение. Радуйся всем источающий нищым богатство неистощимое.

Злата всякаго блистаема, и утра солнечнаго светлейши, жилище христово. Радуйся, Одигитрие, радуйся, девице, радуйся, невесто невестная.

### Канон Кирилла:

<sup>16</sup>руки **Ирмо́с:** *Воднаго звѣря во утробе длани<sup>16</sup>*

<sup>17</sup>страдание *Иона крестовидно распростѣр, спасительную*

<sup>18</sup>ясно *Страсть<sup>17</sup> проображаше яве<sup>18</sup>. Тем, триднѣвен<sup>19</sup>*

<sup>19</sup>спустя *изшѣд, премѣрное<sup>20</sup> Воскресѣние прописаше<sup>21</sup>*

три дня *Плотию пригвожденнаго Христа́ Бóга и трид-*  
<sup>20</sup>сверх *нѣвным Воскресѣнием мир просвѣщаго.*

<sup>21</sup>предна- *Аще и лжесобор епископов малодушных и*  
чертал *лукавых судом неправедным низложи тя, обаче прещения сия вся ни во чтоже вме-*

нил еси, вопия: возхити власть церковную отступник лукавый, и Церковь в руке безбожников предаде, сего ради несть нам общения с ним, дондеже в покаяние приидет. Не мощно ми есть жертву великую Богови приносить с тобою вкупе, отвещал еси лукавому Сергию, яко аще различными стезями ходима и несть мира между нама, в суд и во осуждение будет нама общение чаши Господни.

Тако обличи священномученик Кирилл мучителя церковнаго: не хвалися яко закон соблюл еси, и яко вся каноны с собою имаши: не ли первосвященницы и законницы Христа Бога на смерть осудиша; обаче ничтоже стяжаша сии, разве погибель вечную.

*Богородицен:* Палата високаго Царя, и огнеобразный была еси престол Дево, херувим превышши, и серафим, паче ума бывшая. темже Тя всякое дыхание славит, яко Матерь Зиждителя.

Канон Иосифа:

**Ирмос:** *Житейское море, воздвигаемое зря напастей бурю, к тихому пристанищу Твоему притек, вопию Ти: возведи от тли живот мой, Многомилостиве.*

Аще и малое стадо есмы, обаче храним верность Господу нашему, уповая услышати от Него в час судный: добре, рабе благий и верный: в мале ми был еси верен, над многими тя поставлю: вниди в радость Господа твоего: тако чад твоих укреплял еси.

Несмы аз раскольник, отвещал еси отче Иосифе вадящим<sup>22</sup> на тя, аще и един пребуду: яко не множеством чад Церковь Божия стоит, но истиною и правдою.

<sup>22</sup>наговаривающим

Не к расколу призывал еси, но к очищению Церкви от сеющих раскол: темже мы ты ныне, отче, просим: во всяцех бурях и напастех жизни сей буди нам помощник и наставник.

*Богородичен:* Храм Богу явилася еси всенепорочная, вонже вселився священне, человеческое существо обожи, сотворил еси верных храмы себе.

*Катавасия:* Божественное сие и всечестное совершающе празднество, Богомудрии, Богоматере, приидите, руками восплещим, от Ней рождшагося Бога славим.

### Кондак Кирилла:

Кирилле, святителю и страстотерпче, одежду свою страдания убеливый, в чертог

Царя небеснаго достойно вшел еси, моли о нас ныне Господа сил, да с нами пребудет и помилует нас: иного бо помощника в скорбех не имамы.

### Икос:

Радуйся святителю прехвальный, яко землю кротких наследовал еси: радуйся изгнанный правды ради, яко в Царствие Небесное вшел еси: радуйся друже Господень, яко заповеди Того исполнил еси: радуйся сердцем чистый, яко Бога зрети сподобился еси: радуйся молитвенниче о всех верно чтущих память твою: радуйся страстотерпче Кирилле.

## Песнь 7

### Канон Богородицы:

*Не послужиша твари богомудрии паче создавшего, но огненное прещение мужески поправше, радовахуся поюще: препетый отец Господь и Бог, благословен еси.*

Радуйся, радуйся, Богородице Одигитрие, всех и всегда наставляющи верных, шествовати ко всякому пути спасительному. Ра-

дуйся, Владычице, тобою бо присно избавляемся настоящия варварския беды.

Радуйся, радуйся, Одигитрие, бдящи и молящися о нас к Богу, и всякия злобы ходатайтсвом твоим, всяческих скорбей Богородительнице, всех людей избавляющи.

Радуйся, радуйся, пресвятая Одигитрие, яже прошения наша к пользе нам исполняющи, и хотящи всем присно всегда любодружное благое единство, спешное же во изыщных.

Радуйся, радуйся, кораблем, Одигитрие, нужно плавающим, избавляющи верных, и всем избавление от всякия скорби, и недуги пестротныя и медленныя разрешающи вскорее.

### Канон Кирилла:

**Ирмос:** *Безумное веление мучителя злочестиваго люди поколебá, дýшущее прещение и злохуление богомёрзкое; обаче<sup>23</sup> три óтроки не устраши́ ярость звёрская, ни огонь снадáяй, но противодýшущу<sup>24</sup> росонóсному Дýху, со огнём сýще, пояху: Препётый отцёв и нас Бóже, благословён еси.*

<sup>23</sup>однако

<sup>24</sup>но против  
огня веял

Молитвенника имамы тя к Богу теплейша и ходатая о нас усердна, яко всякия напасти в

житии претерпел еси, сего ради и нам искушаемым помощи можеша вопиющим: благословен еси, Боже отец наших.

Кротце ожидал еси, отче Кирилле, от Сергия покаяния, сего ради и от равнодушных и знаемых укорения претерпел еси, яко медлен был еси на гнев противу отступников: обаче сие бысть по долготерпению твоему, обращения бо грешников возжелел еси.

Аще милостив был еси но с рассуждением, рекши: аще таинства святая и совершаются у Сергия и клевет его, но сия точию ради неведущих неправды их: самим же тем иже таинства совершают, и тем иже разум имут и поругание Церкви святая ведут, сим в суд сия вся бывають и во осуждение.

*Богородичен:* Избави ны Мати Спасова, одержащаго лютаго пленения, помышлений лукавых, и вин греховных: яко да присно спасаемии по долгу Тя славим.

Канон Иосифа:

**Ирмос:** *Росодательну убо пещь содела Ангел преподобным отроком, халдеи же опаляющее веление Божие, мучителя увеща вопити: благословен еси, Боже отец наших.*

Не утратим убо, о братие, помалу свободу, юже дарова нам Господь Иисус Христос кровию Своею, тако взывал еси, и за сие душу свою положил еси, священномучениче Иосифе.

Церкви лукавнующих делом противустал еси, Церковь истинную на бегство в места потаенная благословив, окормляя верных чад ея, и на подвиг крестный вдохновляя.

Завет апостола исполнити тщался еси, отче: аще кто приходит к вам и учения святых отец не приносит, не приемлите его и радостися ему не глаголите, да не сообщитесь делам его злым: сего ради молим тя, утверди нас в вере православней, и в Церкви Христове соблюди до конца.

*Богородицен:* Молящи не престаи человеколюбца Бога нашего всенепорочная, яко да примем совершенное прощение чистая: и улучим небесных уготованных благ, и неотъемлемую радость.

**Катавасия:** *Не послужиши твари Богомудрии паче Создавшего, но, огненное прещение мужески поправше, радовахуся, поюще: прпетый отец Господь и Бог, благословен еси*

## Песнь 8

### Канон Богородицы:

*Отроки благочестивыя в пеци, рождество богородичо спасло есть: тогда убо образуемое, ныне же действуемое, вселенную всю воздвизает пети Тебе: Господа пойте дела, и превозносите его во вся веки.*

Радуйся, всеблагословенная Марие, из тебе бо всеблагословенный Бог одеяся во всего мя человека: и одеявся соедини своему божеству, неизреченным соединением дево Одигитрие, радуйся, благодатная, радости всего мира.

Радуйся, лукавых духов прогонительнице. Радуйся, Богородице Одигитрие. Радуйся, яко тебе небесная невидная воинства славословят всегда, и величают яко Матерь Божию бывшую. Радуйся, яже нижняя сочетавши с вышними.

Радуйся, вся небесныя силы без разсуждения превосходящая. Радуйся, Одигитрие. Радуйся всякия твари Бога рождающая господствующи, ей, Владычице всепетая. Радуйся, яко пребываеши девою чистая и по рождестве.

Радуйся, жен всех саво, храме преосвященный Бога нашего. Радуйся, Одигитрие. Ра-

дуйся, душеспасительная всей вселенной. Радуйся, покрывающий облаче небес ширшая. Радуйся, мироположнице божественнаго мира полна.

Канон Кирилла:

**Ирмос:** *Благословіте, ѓтроцы, Трѳицы равночїсленнии, Содѣтеля Отца́ Бѳга, пойте снизше́дшее Слово, и огонь в рѳсу претвѳршее, и превозносите всем жизнь подава́ющаго Духа Всесвятѳго во вѣки.*

<sup>25</sup>зной  
<sup>26</sup>виноград-  
нике

Тяготу дне и вар<sup>25</sup> в винограде<sup>26</sup> Господни понесл еси, оправдания Господня сохранил еси: сего ради Господь ты прослави и к сонму священномучеников новых сопричте вопиюща: благословите вся дела Господня Господа.

Не уклонися сердце твое в словеса лукавствия, непщевати вины о гресех с человеки делающими беззаконие, и не сочетался еси со избранными их, но яко злато в горниле искусився страдании, к Царствию Небесному со славою востекл еси вопия: Господа пойте дела, и превозносите во вся веки.

Никому аз сужду и никогоже осуждаю, вопиял еси святе, обаче полагати участие в чу-

жих гресех не хошу: аще совесть зазрит нас, кольми паче Бог; несть единство благо, аще противу совести строемо есть.

*Богородичен:* Мольбу принеси Господеви, ущедрити и спасти верою к тебе притекающыя, пресвятая Дево, человеком помощнице.

### Канон Иосифа:

**Ирмос:** *За законы отеческие блаженнии в Вавилоне юноши предбедствующе, царюющего оплеваши повеление безумное: и совокуплени имже не сваршася огнем, Державствующему достойно воспевашу песнь: Господа пойте дела и превозносите во вся веки.*

За истину Христову предбедствующе, святе Иосифе, лукавнующаго оплевал еси повеление безумное, и прошед чрез огонь искушений и скорбей, Господеви достойно песнь воспевал еси: Господа пойте дела, и превозносите во вся веки.

Еда вемы судьбы Божия? рекл еси отче: аще последнии мятежницы противу предателей Церкви и разорителей ея будут не епископы, ниже иерее, но людие простыя: якоже и у Креста Христова не мнози ошашася, и сии бяше простыя души.

Ныне приидоша на Церковь Божию беды и напасти, время лютое настает, обыдоша ны искушения отвсюду: и к тебе, отче Иосифе, взываем, яко единому от начальник Церкви тайныя: вразуми ны, како подобает от лица змия в пустыню бежати, и жениха душ наших, Бога и судию всех, со светильники горящими сретити, взывая: Господа пойте дела, и превозносите во вся веки.

*Богородичен:* Нова нам младенца родила еси, ветхаго деньми, новыя на земли стези показующаго, и обетшавшее естество обновляюща, Безневестная Благословенная.

**Катавасия:** *Отроки благочестивыя в пещи Рождество Богородичо спасло есть; тогда убо образуемое, ныне же действующее, вселенную всю воздвизает пети Тебе: Господа пойте, дела, и превозносите Его во вся веки.*

## Песнь 9

Канон Богородице Одигитрии:

**Ирмос:** *Всяк земнородный да възиграется духом просвещаемъ, да торжествует же бесплатных умов естество, почитающее священное тор-*

*жество Богоматере, и да вопиет: радуйся, всеблаженная Богородице, чистая приснодево.*

Радуйся, свеще, свет невечерний понесшая, и в рождестве твоём многобожия тьму разрушившая, и адовы пропасти избавлявшая люди. Радуйся, Одигитрие Богородице, доброт всех предходатаице.

Радуйся, земле, из неяже клас прозябший небесный верным, и мир весь душегубительнаго глада избави, разумная и одушевленная. О радуйся винограде, яже грозд животный рождшая, Богородице чистая Одигитрие.

Радуйся, тайных цветов прекрасный суций раю. Радуйся, Мати дево, невидимых разум, чистотою страннолепно побеждши Богородительнице. Радуйся, отроковице. Радуйся, Одигитрие, всемирное чудо и слышание.

Лето живота нашего, прочее сохрани невреждено поможением твоим, дево отроковице, и сопдоби конец благий получи нам, воспевающим тя и взывающим: радуйся, всеблаженная Богородице чистая, Одигитрие.

## Канон Кирилла:

<sup>27</sup>Ты —  
таинствен-  
ный рай  
<sup>28</sup>потому  
<sup>29</sup>при воз-  
движении

**Ирмос:** *Таин еси, Богородице, рай<sup>27</sup>, невозделанно возрастивший Христа, Имже крестное животноное на земли насадися Древо. Тем<sup>28</sup>, ныне возносиму<sup>29</sup>, покланяющесе Ему, Тя величаем.*

Страх Господень на стези правыя ты настави: веровал еси Господеви, и не отпаде мзда твоя. сего ради во умилении зовем: сохрани нас от сетей вражиих, и к Царствию Христову пути наша направи.

Не дождался еси исправления Сергиева, и последи слово жестоко изрекл еси: обновленцы суть той и иже с ним, сего ради вернии с ними части не имут.

Священномучениче Кирилле, предстояй ныне престолу страшному Христа Бога, испроси нам прегрешений прощения, в вере правой стояние и милости в день судный.

*Богородицен:* Световидный чертог явилася еси Дево, всельшемуся в твою нетленную утробу, и страсть блаженную претерпевшему хотением, и всем безстрастие подавшему за неизреченную милость: емуже верою покланяющесе, Тебе благочестно величаем.

## Канон Иосифа:

**Ирмос:** *Не рыдай Мене, Мати, зрящи во гробе,  
Его же во чреве без семени зачала еси Сына: востану  
бо и прославлюся, и вознесу со славою непрестанно,  
яко Бог, верою и любовию Тя величающия.*

Днесь градове всяцы о тебе хвалятся: Новгород, яко того еси прозябение: Москва, яко тамо приял еси пострижение и сан священный: Углич и Ростов, яко познаша тя святителя ревностна: Петра град, яко свидетель исповедничества твоего: Чимкентская же земля мощи твоя в недрах своих сокрыла есть, отче пречудне Иосифе.

Священномучениче приснохвальный, с сонмом суетным не седый, и со законопреступными не вшедый, нозе свои на правоте поставивый, молися о нас грешных ко Владыце: да не погубит с нечестивыми души наша, но да спасет и помилует нас, яко един человеколюбец.

Отче Иосифе присночестный, уклонивыйся от зла и сотворший благо, вселился еси в дом Отца небеснаго, отонудуже и нас грешных назирай, и направляй на путь заповедей Господних.

*Богородичен:* Глас Ти приносим архангелов  
Всечистая, благословенная, радуйся вме-  
стившая Бога невместимаго: радуйся клят-  
вы разрешение, и благословение введение:  
радуйся, едина райскую дверь отверзшая.

**Катавасия:** *Всяк земнорóдный да възгáется,  
Дúхом просвещáемь, да торжествúет же Безп-  
лóтных умóв естество, почитáющее священное  
торжество Богомáтере, и да вопиёт: рáдуйся,  
Всеблаженная, Богорóдице, Чíстая Приснодево..*

Светилен священномучеников:

О священномученика преславная, Кирилле  
и Иосифе Богомудрыя, возсиявшая в годи-  
ну искушений, и яко искры по стеблию во-  
стекшая к Царствию света Божественнаго,  
испросите нам чадом вашим мир и велию  
милость.

Богородичен:

Пречистая Дево, со всеми святыми за ны  
молися, да во свете Лица Господня пойдём,  
и о имени его возрадуемся во веки.

Стихíры священномученикам

Священным помазанием и мученическою  
кровию, Богу приблизистася священному-  
ченика всеславная, цвет естественный, доб-

рота словесная, премудрости верховника, реце богословия, правило веры, всесоставное исправление, и церквам благолепие.

**Б**лагодать твоя отче Кирилле, яко миро излианное душам нашим, просвещаеши бо сердца грехми потемненная, и от плениц страстей изымаеши, яко святитель бо имаши власть отпущати грехи.

**С**вященномучениче пречудне Иосифе, града святаго Петра украшение, веры православныя утверждение, кровь твоя, отче, за Христа излианная, благословение Божие явися Церкви, в пустыни и в пещеры от змий бежавшей.

**О** святе Кирилле, отче праведне, не забуди нас скорбьми обуреваемых, помози противустати кознем вражиим, Церковь от лжепастырей защиты, ересей возстание укроти, и настави всех на стези правыя.

**Б**лагодати возжелев небесной, святе Иосифе, отче наш, вся земная пренебрегл еси, и страдальческое житие избрал еси, сего ради вкупе с другом твоим Кириллом, светло о Господе венчался еси.

**В**елие мужество и вера ваша, страсотерпца священная Кирилле и Иосифе, посра-

ми мучителя церковного нечестие и верных утверди за Церковь Святую даже до крови стати, якоже и вы страданий не убоялася еста, и венча вы Господь подвигоположник венцы пресветлыми.

*Слава:* Во святителех и мученицех преидоста Кирилле и Иосифе, верная явистася пастыря, и Христову испивше чашу. Тем во обоих благоугодивша Христу, во свете ныне водворяющася, тому молистася о нас земных, и заблужденных всех исправита: никтоже да прельстится внешним благолепием, внутрьду нечистоты исполненным: но все да облечемся истинно во всеоружие Божие, и противустанем кознем диавольским, да в день лют избавимся осуждения.

*И ныне:* Богородице, ты еси лоза истинная, возрадившая нам плод живота, тебе молимся, молися Владычице, со святыми священномученикома, помиловати души наша.

© Острова 2015  
[www.ostrova.org](http://www.ostrova.org)

© Община храма  
св.кн. Елисаветы,  
Санкт-Петербург